

慎

齋


集



慎齋集

宛委別藏鈔本

故宮博物院委託
商務印書館景印
原書葉心高廿二
公分寬十五公分



慎齋集卷之一

淮南蔣主忠

名都篇

雄都啟天府甲第何崔魏高城壯百雉崇構軼浮埃前
榮樹複閣後觀宏層臺華夷茲會同玉帛自相輝輿馬
交四衢歌鐘日喧飗金章耀紫綬濟濟多賢才聖人坐
明堂垂衣致無爲鴻圖鞏磐石稽首詠康哉

秋夜長

西風蕭瑟天氣涼井梧葉落露成霜秋河耿耿夜未央
明月入戶流餘光蟋蟀哀吟鴈南翔思君遠隔天一方

山川萬里限河梁美人攬衣愁夜長
夜長無寐遙相望
巫山高
巫山高入雲層巒杳嶻杳莫分
昔聞山頭下神女朝
為行雲暮為雨襄王夢斷陽臺空
十二碧峯何處所巫
山高高入雲猿啼一聲那忍聞

蜀道難

吁嗟乎蜀道之難猿聲啾啾杜鵑泣
行人欲度愁孔艱
上有懸崖千丈障白日下有奔流萬仞飛
狂瀾石棧委
蛇倚絕壁欲行未行先辟易十步九却不可前
以手撫
膺增歎息男兒生當懷遠圖到此未免成躊躇
君不見

伏波本是英雄士老去翻思下澤車

老將行

雪髻添新白金瘡對舊痕十年多難後百戰一身存
飲馬長城窟看雲古塞垣防危孤劍在猶擬報君恩

婕妤好怨

寂寞長門月淒涼團扇吟空懷辭輦意誰念泣魚心別
殿笙歌迥深宮刻漏沉西風□相借庭樹減秋陰

閨中詞

夢覺紗窗乳燕啼驚魂猶訝在遼西自憐不及青青柳
萬里還能逐馬蹄

閨門柳枝三首與沈通理蘇秉衡同賦

寂寞吳宮迹已荒
殘山剩水幾斜陽
多情最是垂楊樹
猶送飛花入苑牆

數枝裊裊翠烟微
零落殘花□燕泥
化作青萍應不恨
忍隨流水各東西

扶目門前幾萬條
藏烟瑞雨自蕭蕭
不知西子能傾國
猶向東風學舞腰

感寓

金陵佳麗地
巍巍帝王都
朱門耀丹戟
華珮鏘瓊琚
晴槐結高蓋
細柳蔭清渠
借問此誰家
云是列侯居
填門

半豪傑唯諾爭奔趨一朝勢已傾賓客日漸疎閒門閉
秋草陰堦翳寒蕪嗟嗟楊子雲樓跡依衡廬抱策無所
干獨守太元書雖無軒冕榮終歲恒晏如

冬日閒居有懷王善甫

閒庭寂無譁衡門斷塵鞅居閑趣自適撫景愜幽賞梅
風度竒馥竹雪墮清響載咏停雲詩令人起遐想

石城秋日

紅樹青山澹夕暉石城秋色正依依夜涼江浦聞鴻度
霜落秦淮見葉稀故里風烟歸夢遠舊遊池館昔人非
天涯兄弟遙相憶想見他鄉已授衣

揚州懷古

欲詢往事重堪憐
錦纜曾來記昔年
無復瓊花存故跡
空餘楊柳帶朝烟
夕陽野戍寒鴉集
候火江邨客棹連
惆悵舊時歌舞地
斷堤惟有草芊芊

送于指揮之雲南黔公麾下

蠻荒萬里瘴烟銷
一騎臨邊不憚遙
烽斷雪關山寂寂
雲連金馬路迢迢
燈前對酒時看劍
帳下彎弓曉射鵞
聞道主軍多遠畧
漢家今數霍驃驍

胡孝子尋母

孝子斯人從父謫雲南失其母二十
年後以識其鄉音得于京師

江湖何處覓慈闈
泣向南天誓不歸
落日心摧烏鳥哺

西風魂斷白雲飛相逢却訝鄉音在感舊空憐往事非
二十餘年重會處線痕猶記別時衣

遠遊

攜書汗漫獨藏名一劔曾為萬里行嶺海生涯嗟泛梗
江湖踪跡笑浮萍客窗幾對春山色畫舫常聽夜雨聲
岐路不妨頻買醉異鄉風物最關情

賦得新柳送別

裊娜復娉婷因風不暫停脩眉元自綠媚眼為誰青嫩
色迷江店輕陰陰野亭隋堤烟漠漠灞岸雨冥冥語燕
看時度流鶯坐處聽未堪持贈遠離思滿長汀

戴文進畫

雲山何峒堯柴扉擅幽僻疎林帶長坂落葉風蕭索泉
鳴萬壑應猿響千崖夕時有採芝人閑來覓行跡

答郭伯重

商飈振庭柯霜露日淒其征鴻正南翔元鳥既已歸客
心感時序撫景多所懷良驥思遠途倦鳥戀舊棲物情
各有適窮達安能齊峒堯石城山可望亦可躋桓圭豈
不榮所得貴有時豈無朱絲絃聆音信寡諧感子綢繆
意惠我瑤華辭

西齋居有懷蘇秉衡

閒庭遠塵迹端居澹無營嘉樹結員陰好鳥時和鳴故人隔山岳金蘭念平生豈無新知歡誰能喻中情聆音寡儔侶瑤琴歇芳聲

陌上桑

秦家兒女嬌且妍清曉採桑南陌前珍珠作珮翠為鈿攀條拂葉倚婢娟使君從東來五馬何翩翩相逢却恐未相識

關山月

關山月影團團纒離滄海上又轉青雲端流光下照連營裏征夫思家淚如水遙想家人對月時愁心此際應

千里千里相思各一天清光兩處共依然功成何日報
天子願得此身如月圓

楊白花

楊白花飄飄無定止隨風搖落恣輕盈一日還須幾千
里樓中美人雙翠蛾坐對飛花愁思多春光一去愁難
復鏡裡紅顏將奈何

將進酒

將進酒君莫辭屈原曾作獨醒客湘江千古留餘悲
君酒祝君壽杯行到君莫停手流光奔奔奈爾何昨日
少年今白首吹竹彈絲魚羔炙牛肴饌肆陳賓主交

相逢意氣且爲樂如何不飲令人愁

昭君詞

萬里遠和親辭君敢愛身可憐青塚草猶帶漢廷春

四時詞

東風簾幕曉寒輕垂柳絲絲拂繡楹春睡正濃誰喚醒
碧桃花底數聲鶯

閒隨女伴鬪新粧採得荷花愛晚涼堤上遊人莫相顧
孤鴻不是野鴛鴦

霜壓梧桐小院幽芙蓉零落後池秋多情最是鴛鴦鳥
錦水西風共白頭

金狖香燼夜寒清
纖月窺人夢不成
試拂銀箋思擬雪
謝家嬌女最多情

行路難

君不見太行山十步九折何盤盤
又不見巫峽水澎湃
轉石日千里山行犖确水行險
誰道人心亦如此與君
貧賤托相知
瀝胆披肝誓不移
一朝富貴不復顧對面
相看若行路
烏乎山可陟兮水可舟
人情反復令人愁

龍鵲劔歌 并序

理齋公子示余龍鵲劔云
洪武中其大父營國

威襄公為總戎時所被賜者也
因爲作歌

銛鋒裁成白鵬尾炯炯芙蓉照秋水想當大冶鼓鑄時
荒郊夜半啼山鬼寒芒三尺光晶熒黃金列點排空星
昆吾莫耶不敢並上有神鵲襲龍形高皇昔日下江東
親提左右芟群雄斬鯨東海須臾際刺虎南山指顧中
爾家大父最英武胆氣桓桓壯如虎一朝詔下拜元戎
紫宸殿前親賜與北平沙漠定神州南勦羣蠻次第收
山河整頓歸真主茅土分封拜列侯英雄百年今已矣
神物流傳到孫子寶匣深藏手澤存尚有虹光射雲紫
由來利器可防身莫倚倥侗輕示人將門他日求良將
好與皇家清塞塵

雨雪

雨雪正霏霏千山去路微隨風沾羽旆帶月映征衣漢
地封疆遠邊城戰馬肥將軍多遠畧萬里欲乘機

關山月

迢遞關山月秋來分外明影連沙上雪光映柳邊營金
柝傳宵警棘門斷夜行征人愁不寐萬里正含情

公子

公子風流白鼻駒春來看徧上林花幾回半醉歸途晚
笑解金鞭當酒家

少年行

團花紅映繡衣明
早占青樓薄倖名
用盡黃金買歡笑
不知桃李本無情

歌者

一曲歌聲繞畫梁
五陵年少解鳴璫
誰知亦有他鄉客
聽到陽關欲斷腸

刺客行

一諾千金衆所推
許身應只在相知
翻怜易水悲歌客
何事臨岐却淚垂

征婦詞

玉關西去路悠悠
白草黃雲萬里秋
但願沙場常奏捷

免家夫壻早封侯

田父詞

陰陰桑柘散雞豚茅屋年深長子孫
但得官家租稅足不愁胥吏夜敲門

俠客行

二十香名到處聞相逢共說氣如雲
誰能解後長安陌不惜千金把贈君

送蘇大扶柩還海寧

石城楊柳色愁絕獨歸人惜別因知己
還家又暮春江風吹去棹野日暗行塵
知有終天感空傷淚滿巾

送朱可大歸丹陽

東書來上國此日復東行山繞丹陽郭人辭白下城斷
鴻秋共遠歸路雨初晴莫歎貧如舊詩壇已著名

送姜中書省親畢還京

還家仍赴闕來往沐恩波白髮親庭遠青山驛路多朝
端需載筆池上想鳴珂又折都亭柳西風奈別何

春日雨中寄王善甫蘇秉衡

東風吹雨曉霏微坐對南山獨掩扉白下交游知己少
郢中詞曲和人稀花飛苑圃春將半草綠汀洲客未歸
青鏡流年看欲換等閒行樂莫相違

送陳亢宗員外赴召

鷓鴣橫秋十萬程
遠趨丹詔謁承明
中朝相業思安石
宣室才華重賈生
潞水寒潮通去棹
薊門春樹聽啼鶯
一杯莫惜臨岐醉
明日相思隔鳳城

寄蘇平

時客淮上

十年京國弊貂裘
此日憐君更遠遊
吳苑踈砧驚夢斷
淮山落木向人愁
鴈啼古塞秋將盡
霜冷澄江水正流
惆悵故園歸未得
可堪衰草徧汀洲

白牡丹

玉盤承露曉初分
艷質亭亭自不羣
瓊島只疑留積雪

陽臺空憶化行雲
仙肌傅粉慙何氏
繡被堆香笑鄂君
一種清標誰得似
眼前紅紫漫紛紛

過鉉公方丈次蘓秉衡韻

遠尋支遯叩禪林
林下何人伴醉吟
高塔迴臨飛鳥上
踈鐘遙隔暮雲深
久知浮世真成幻
誰識空門不住心
惆悵自來還自去
上方烟樹晚陰陰

蘭

九畹移根雨露深
湘江春晚翠沉沉
詞人擬製山中佩
楚客曾為澤畔吟
明月含香憐獨秀
清風高致憶同心
孤芳未必儂蕭艾
漫托遺音寄玉琴

過金粟山居

竹外參差小徑幽
林間書屋最宜秋
白雲隔斷紅塵路
誰識東陵有故侯

郭公子宅白牡丹

素姿清絕洗鉛紅
魏紫姚黃迥不同
借門春光何處好
主家池館上林東

麻田晚歸

小橋流水路斜分
紅樹離離帶夕曛
行盡江南秋色裏
幾家茅屋鎖寒雲

客舍與院判兄守歲

守歲接長筵相逢在客邊異鄉同此夕明日又新年

客通州寄院判兄

出城四十里回首各風烟客邸姜肱被青燈只自眠

夜泊長蘆聞史掾吹簫

孤舟夜傍長蘆宿月滿篷窗耿明燭羈懷離思兩悠悠
月下忽聞吹紫玉洞庭波寒孤鶴鳴潛蛟起舞哀猿鳴
淒涼離別有餘恨迢遞關山無限情餘音嫋嫋如怨訴
彷彿幽閨泣嫠婦常時聽此尚難堪况逢棲遲在中路
曲終人去月在天滄波渺渺流寒烟何由喚起眉山叟
共訪臨臯騎鶴仙

題畫

烟暝溪頭樹雲橫渡口山扁舟人不度長繫夕陽間

烈婦行

史烈婦鄒從夫戍大寧值亂兵欲犯之不
屈而死

驚塵蔽空烈風起塞土胭脂夜凝紫紛紛桃李總成空
愁絕芙蓉抱霜死香魂一去嗟難續千古清風激流俗
見說孤墳易水頭歲寒芳草年年綠

讀澹庵少保出關之作有感而作

平沙浩漫漫千里望不極落日朔風寒牛羊滿沙磧勤
兵慕遠畧古來無上策□□□□□在德寧在力

小車輕且便下坂如走丸大車重且遲欲發仍盤桓古

道饒蒺藜捷徑非所安任重憂亦重撫懷增慨歎
荷戈遠從征行行赴邊疆馬頭望霜雪衣上見月光父
母寧復顧妻孥不得將一身已許國甘心事戎行

軍事不可度應變在臨機取勝尚多謀慎重須謹持□
□□□□千載著歌詩智勇雖可貴仁義乃吾師

聖人重兵事雖安不可緩脩整在嚴明臨機貴能斷玩
敵非良謀黷武終致亂功患不相補區區陋秦漢

大明麗中天率土悉王臣匡時屬良弼素志在經綸偉
矣出關作懷哉念斯民神遊嗟不返悵望徒沾巾

慎齋集卷之一

慎齋集卷之二

薊北春日作

金臺遊子憐春色，擾擾長途倦行役。客舍逢春又一年，
夢着只在金陵陌。金陵三月花正多，紅香撲面春風和。
佳人錦瑟調銀甲，公子華筵張綺羅。嗟我胡為不歸去，
浪跡長遊兩京路。鏡中華髮不待人，挾榮誰憐猶未遇。
明當買舟尋故園，柴門五柳春陰繁。畊田鑿井有餘樂，
富貴浮雲何足論。

善甫見招兩不克赴賦此以寄

擬從山中遊，寧期夜來雨。遙憶山中路，泥深沒行屨。飛

流漾淺沙奔湍激芳渚悵望念同心深盟負雞黍

王孟端竹

湘岸雨沉沉湘江烟水深蟄雷初動地錦箨已穿林稍
待清陰滿來聽雙鳳吟

送陳兵部

龍河春雨餘綠水清且漪征帆指京國去去從此辭都
門集冠蓋飲餞臨長岐離歌發清謠鳴商動哀絲眷言
平生親云胡遽此偏明發不可留玉程有嚴期鴻鵠負
遠志萬里安能羈青雲在高舉暫別何足悲

挽周長史孟簡

決勝文場美獨先承恩曾得賜金蓮曳裾又作黃門客
設醴重登賈傅筵湘水月明驚賦鵬楚山春盡忍聞鶉
舊交零落今無幾淚洒東風一悵然

寄鄭河南雍言

金臺別去遙千里洛水書回思萬重草詔昔年曾倚馬
觀風今日又乘驄夷門草暗存遺跡艮嶽雲深感舊踪
肯信龍江江上客相思空憶採芙蓉

送沈孟舟南還

孟舟與余同舟北上

潞水西風見鴈行官亭分手又斜陽雲深古渡潮初漲
霜冷疎林葉半黃歸路不堪征棹遠寒川空對別情長

同來未得同君去，莫惜臨歧共一觴。

北京秋日

紫陌塵香動曉行，千官環珮集承明。
秋澄太液波光淨，雲繞居庸驛路平。
嶺海只今歸聖化，關河自昔壯神京。
明明袞袞俱登用，浪跡年來笑馬卿。

送郭公子朝覲畢南歸

金門朝退趣行裝，猶帶天邊雨露香。
客路望雲親舍遠，春山對酒別情長。
雕弓醉倚開秋月，駿馬寒嘶踏曉霜。
麟閣他年應有待，聖朝勲業重汾陽。

夜泊彭城

壯遊千里外孤棹宿彭城
夜雨燈前夢秋風客裏情
邨明候火古戍遠寒更不寐
遲明發鄉心繞帝京

冶城懷古

昔年開大冶此地鑄吳鉤
往事浮雲變空山落木秋
樓臺通碧落洞府啟丹邱
回首三分國何人弔仲謀

贈日東僧

尋師來上國掛錫且隨緣
處世誰非幻安心即是禪
松陰開文室貝葉著遺編
一別滄溟上于今又幾年

晚次淮安

古驛枕淮流孤城栢上游
人家多近市湖岸足停舟
落

水寒山夕踈鐘遠寺秋自憐萍梗迹空羨子長遊

春江行送沈愚歸玉山

江頭雨晴春水足江上陰陰柳條綠臨江折柳送行人
長條挽斷愁難續與君別來今幾時相逢那忍便相違
一尊楚館誰同醉千里吳山又獨歸江風吹帆渡江去
江柳隨春繞歸路別情無奈似春潮遠趁歸帆共東注

秋日漫興

秦淮流水日縈紆鐘阜晴雲自卷舒畫道黃金能致士
誰憐滄海有遺珠梁王舊寺風烟合謝傅空山草樹踈
欲把一杯重吊古夕陽回首漫躊躇

春日懷王善甫

時客錢唐

東郊春靄曉濛濛
細草新花望不窮
詩思總荒廢唱後
客愁多在別離中
江樓覆局思王粲
野墅行春憶謝公
回首西湖歌舞地
畫船誰與醉東風

挽馮膠州

少年曾見掇巍科
分守爭傳政績多
邊徼遺民懷惠澤
中朝耆舊想鳴珂
泉臺不返梨雲夢
楚些空吟薤露歌
無限山陽聞笛淚
西風殘月柰愁何

新月

映水魚應避懸空鴈亦疑
多情京兆客學取畫蛾眉

詠塵

漠漠隨風暗紛紛映日黃幾多趨利客爭逐馬蹄忙

白雪吟寄禮齋公子

滕神夜剪明河水玉壘銀屏光旖旎茫茫何處認天涯
一色瑤花幾千里藍田玉子光晶瑩廣寒老兔涵虛明
素娥練帶吹不起白鳳氎毳妥脩尾玉龍奮迅開重關
雲濤頃刻迷人間鴻門斗碎壯心折遺音彷彿聞珊珊
西園公子多高致醉擁貂裘曉猶睡誰知中有苦吟人
紙帳寒清不成寐

送楊夢平應薦之京

十月寒生季子衣，遠趨丹詔覲彤闈。
公車未奏三京賦，雲路先看一鶚飛。
野店霜寒雞唱早，關河雪後鴈來稀。
懸知到日承恩處，會接夔龍侍紫薇。

過月山和尚影堂

經室香銷鎖暗塵，重來詞客倍傷神。
浮漚已悟生前幻，孤錫猶隨化後身。
高塔夕陽偏送晚，閒庭芳草自生春。
空門去住真成夢，不用哀吟淚滿巾。

過報恩南池訪雨軒和尚故居

梵王臺殿倚青冥，高塔乘閒喜共憑。
清韻遠聞烟外磬，寶光長露佛前燈。
空思說法沾花雨，誰解尋禪問葛藤。

寂寞南池池畔路重來無處覓康僧

竹月軒賞牡丹

甲第通仙境名花重牡丹絳霞籠綺幄晴日映紅闌
冉冉天香度盈盈曉露溥鄂君堆繡被姑射安雲鬢
列坐欣同賞僊闌喜共看竹邊連綺席花外簇雕鞍
綠酒黃金竿鮮鱗白玉盤明年當此會更擬盡清歡

新春寄院使兄

京國十年成遠別江鄉千里漫相思客窗夜雨燈前話
池草春風夢裡詩瓊島晴雲開疊嶂玉河寒水漾流澌
趨朝想見承恩處退食從容出每遲

落葉

清霜一夕透前林
庭樹蕭蕭減綠陰
勢逐回風還上下
影隨殘照共銷沉
空溝流處通幽恨
旅館聽來感別心
宋玉自怜才思薄
傷秋空付短長吟

送楊貴華之嘉興教諭

曾將三策獻彤闈
共羨詞華粲錦機
尊酒暫同今日醉
一官還喜故園歸
芹香潁水春風早
柳暗旗亭驛路微
明日相思千里隔
江天雲樹正依依

過揚州

繁華已逐水東流
此日重來感昔遊
二十四橋楊柳色

慎齋集卷二
一八
春風依舊繞揚州

送蘇二省親畢還吳

柳花飛雪點征衣
一棹烟江又獨歸
莫向吳山重回首
白雲多傍帝城飛

姑蘇陸氏藏春樓

夭桃穠李競春風
樓閣重重錦繡中
十二珠簾齊下却
不教蝴蝶過墻東

雪後過李啟明留題麗澤樓

紛紛積素粲瓊瑤
凜凜餘寒襲弊貂
色映樓臺迷遠近
光分林壑擁岩堯
抽毫自昔推梁范
覓句誰能擬灞橋

自是謫仙能愛客清尊相對興偏饒

聽箏歌

吾聞錦瑟五十絃一絃一柱聲冷然何年改作剖其半
遺音尚有秦人傳初彈楚調聲激烈悲笳夜奏轅門月
再作伊涼塞上音彷彿陰山響飛雪駕鵝墮地秋隼高
奔泉瀉峽層氷裂邊聲楚調錯雜鳴鴈柱頻移聲逾清
銀甲寧辭翻舊譜金尊不惜醉芳情歸來餘音猶隱隱
恍惚鈞天夢初醒夜窗歌枕賦新詩月上桐梢露華冷
舟中見歸鴈

迢遞南來雁乘春又北歸幾時辭故壘萬里正高飛玉

塞寒雲遠金河舊路微他鄉有羈客見爾思依依

挽劉應年鍊師

冶城劉道士海上訪真仙煉藥餘丹竈吹笙入紫烟閒
庭塵漠漠荒壠草芊芊化鶴歸何日相思一悵然

過劉真人西山道院

重來棲隱地無處覓仙蹤一入瀛洲路千山紫翠重閒
堦蒼蘚合空院白雲封寂寞燒丹處衡門掩暮鐘

酌酒對薔薇花

海棠落盡春光老長條拂籬青裊裊和風沒池旭日晴
淺白深紅競紛擾密葉難容飛鳥駐芳鬢半被遊峰攪

空將綠刺罥人衣可惜幽香為誰好
長安書客愛芳菲
坐對花前有所思
及喜花開今滿樹
還愁花落又空枝
花開花落成朝暮
春事匆匆留不住
一杯還與送春歸
蛺蝶紛紛過牆去

牛首建寺獲靈泉

名僧開寶刹靈液啟瑤岑
淨色含虛象寒聲帶遠林
流通歸佛化靜止契禪心
恬淡應無染涓涓自古今

送周道士之金臺分得歇字

東風吹征帆長江坐超越
道人烟霞侶丰神皎冰雪
衣帶冶城雲丹移路河月
何處寂思君嚴城暮鐘歇

寄思庵吳先生

栢府聲名重繡衣乞身優詔許全歸久知林下堪怡老
獨向塵中早息機竹外引泉通藥圃花間開徑掩柴扉
都城父老懷遺德猶說當年獬豸威

次韻張侍御齋居夜直

齋居寂寂倚高寒梅影參橫月半闌金鴨飄香烟縷細
銅龍傳點漏聲殘自知白雪才超逸誰謂青雲路渺漫
信是聖明無諫疏獨將高詠寄清歡

九日雨花登高分得種字

層臺俯遙岑地僻遠塵襟久曠山水遊登臨意偏洽佳

辰值重九華簪喜相盍凭高縱遐觀千里見毫髮澄江
練新染奇峯劔孤棹既醉各言還長途擁歸轄

送張侍御式之陞陝西僉憲專理屯田

繡衣玉斧凜秋霜又領新除荷寵光直指當年推暴勝
埋輪今日羨張綱雲連隴蜀關河壯山接穀咸驛路長
若遇臨邊趙充國好攄長策佐平羌

送蔣士昂郎中致仕還江陰

暫辭榮祿解朝簪倦翮還應戀舊林上國鶯花成別夢
吳門烟月稱閒心陶潛老去難忘酒疏廣歸來有賜金
記取龍河分手處畫橋楊柳正陰陰

風雨夜泊七級閘

離思悠悠在兩京
孤舟此夜最關情
無端驚醒還家夢
半是風聲半雨聲

客舍聞笛

數聲橫吹欲沾巾
落盡梅花却恨春
莫作關山離別曲
相逢多是未歸人

元夕會善甫

六街車馬競西風
火樹銀花處處同
獨有草元林下客
夜窗吟對一燈紅

客中除夕

天涯除夕倍思親
蓬梗應憐客裏身
燈下一尊還自醉
異鄉明日又逢春

客中元夕有懷郭公子

每逢佳景縱清歡
一曲銀箏月滿闌
別後西園三五夜
金尊紅燭共誰看

乙丑春三月望日雨中會飲賀氏樓居分得處字
佳會不可常
良辰信難過
維茲脩禊時
奈此風雨除
層樓啟華譙
盤桓共延佇
情同曲水會
人疑德星聚
高談無俗言
雅咏足佳句
秉燭繼清酌
淹留滯歸去
翹首望南山
遙遙隔烟樹
明年及春晴
還尋舊遊處

送丁子剛

翩翩壯遊子，設笑足風塵。
白首半天下，青雲多故人。
山城淹去騎，關樹接通津。
回首金陵道，歸時政及春。

九日曠怡樓讌集分得象字

仙壇倚山椒，層樓赫宏敞。
良辰集朋儔，登臨愜心賞。
維時積雨霽，林木競森爽。
投壺偕逸興，放懷絕塵想。
凭闌睇遙岑，峒峒擁仙掌。
寒蟬有遺音，哀鴻遞餘響。
撫景感時遷，高吟資慨慷。
仰視天宇高，森然昭萬象。
酒盡興已闌，相將理歸鞅。

錦杏軒為金彥端賦

吾聞董仙昔隱匡廬山施藥愈疾令人種杏歲久盈山
間年年二月花亂吐千樹萬樹但見碎錦紅爛斑功成
仙駕杳莫攀芳名千古垂不刊錢唐金氏擅醫術活幼
專科推第一家傳三世職御醫藉藉聲華播京國卜居
遠在城之東窗前杏樹多成叢枝頭亂蕊堆晴雪葉底
飛花趁暖風生香冉冉飄書几活色紛紛散如綺晉公
漫說午橋庄相業陰功還可擬君家種德誰能如高風
應不讓匡廬年來見說功尤盛添得春風又幾株

瀟湘八景追次陳剛中先生韻

洞庭秋月

素影泛涼波銀蟾浴清露一氣含太虛盈虧有常數何
人吹玉笛驚散沙頭鷺我欲訪遺蹤江山恐非故

烟寺晚鐘

古剎俯清流晴烟翳荒竹湫湫日欲沉鐘聲隔深谷遙
峯生晚翠長林沒秋綠山下一僧歸還應夜投宿

江天暮雪

六出墮瓊芳寒颿聲浩浩江雲結層陰誰能辨昏曉歸
禽失故林行子嗟遠道輕蓑垂釣翁遙遙一帆小

瀟湘夜雨

密雨暗江渚寒潮蕩漚沙秋風助蕭瑟墨雲晚堆鷗踈

星波漁火巨浪掀鯨牙芳洲渺何許寂寞芙蓉花

平沙落鴈

寒潮帶遠洲落日照原隰疎林戰秋聲西風晚來急
翩雲中鳥兩兩沙際立欲起又還栖沙頭暮烟濕

遠浦歸帆

荒烟翳遠川隱隱聞征鼓依稀鶩鷺鳴中流下柔櫓
汎汎雙白鷗隨潮競翔舞柳外一燈孤漁家在前浦

山市晴嵐

山郭淨朝暉人在繞溪水何處趁墟人船頭掛雙鯉
遙
□
□
晴嵐依微望中起羨爾烟波徒何心競朱紫

漁村夕照

殘陽下前汀潮生洲渚滿漁人半掩扉
鴉啼柳烟煖野鳧棲未穩夷_耳忽中斷
醉來枕青簑暮烟不知短

冬夜偶成寄友

點點霜華拂繡韉五更騎馬遠朝天
野人無分隨鴻鷺紙帳梅花政穩眠

慎齋集卷之二

慎齋集卷之三

送楊指揮之京

桓桓將門子，謁選赴明光。
立馬大江上，看雲古塞傍。
雕弓開滿月，寶劍淬清霜。
想見承恩處，麟袍襲御香。

城南賞春分得更字

仲春風日和，南山擅幽勝。
野花連故臺，芳草被行徑。
良時集冠蓋，登覽動高興。
行行陟嶮嶮，杳杳入幽迥。
勝遊忘俗情，雄談起清聽。
樂事古難并，杯行莫辭更。

竹月軒賞蓮

雲錦離離映小塘，天然淨植異羣芳。
迎風翠扇翻晴影，

映水紅綃簇曉粧芍藥自慙成俗韻芙蓉應媿欠幽香
待看它日成佳實好向高堂獻壽觴

送顏彥瑜歲貢之京

玉京千里隔層霄萬國衣冠仰聖朝騏驎幾年嗟局促
鷗鵬今日羨扶搖龍河水濶風帆遠淮浦秋高客路遙
獨對彤廷應有待布衣還惹御香飄

贈高將軍

曾陪虎旅侍先皇定遠功高兩鬢霜投老未勞誇鏖鏖
乞身今喜遂徜徉看花對酒春風煖剪燭設兵夜漏長
自是聖朝多雨露承家應羨得賢郎

次韻答蘇東衡見寄

帝城烟月念同遊，一別林泉共白頭。
江上音書勞遠使，天涯蹤跡寄扁舟。
雲邊古道山長繞，雪後平湖水正流。
幾度望君還極目，斷紅殘日不勝悲。

賦得小孤竒峯送陳侍郎致仕還羊城

一峯孤立蘸滄波，天際亭亭擁翠螺。
彭蠡東來相映帶，匡廬西上共嵯峨。
深秋黛色生雲霧，落日猿聲出薜蘿。
白髮亞鄉重過此，題名無惜向巖阿。

送賀師勉赴會試

青春辭翰蚤蜚英，共羨遊鯤起北溟。
賈誼有才能對策，

仲舒多學解明經雲邊紫炁連雙闕江上青山接短亭
媿我烟霞成白髮寒窗虛負讀書螢

友蘭辭

九畹兮迢迢三湘兮杳杳悵空谷兮無人托幽情兮芳
草粲綠葉兮紫莖紛歲蕤兮遽微馨恥蕭艾兮為伍挹
風露兮獨清嗟靈均兮去遠孰紉之兮為佩願締交兮
莫逆澹逍遙兮終歲

君馬黃

君馬黃我馬蒼聯鑣並轡相頡頏青樓十二連康莊酒
酣落日爭騰驤丈夫有志非尋常千里一日當自強我

馬營若馬黃會須執戟朝明光

紫騮馬

紫騮馬行且嘶赤絨作鞞金作羈沙場一日邊塵飛許
君萬里能驅馳揮鞭萬里不復辭閨中少婦莫相憶行
看封侯歸有日

結客少年場行

結交尚氣誼少年重橫行相逢宛洛間慷慨見平生七
貴重遊俠五侯知姓名腰間雙寶劍炯炯含光晶殺人
不畏死過從總豪英捐軀報知己性命鴻毛輕

東風重賦四時詞

東風無力柳絲柔
簾幙穆穆不下鉤
最是多情雙蛺蝶
朝來飛上玉搔頭
別殿荷風送晚涼
金爐燒盡水沉香
日長深院無人到
閒聽烏衣語畫梁
金塘涼露濕芙蓉
紈扇多愁不奈風
盡把閒情寄紅葉
殷勤分付水流東

轆轤金井凍銀牀
蠟炬燒殘夜漏長
青鳥不來仙夢杳
梅花枝上月如霜

題畫

長松落秋陰
苔花上階綠
採芝人未歸
白雲滿空谷
千

峯擁天外一水縈溪曲願結烟霞盟臨風企仙躅

玉山才人歌

玉人才人休文孫曾將寶礦干君門君門三上不得入
束書歸卧江南村數椽老屋清溪側行李蕭條有饑色
負薪寧免愚婦嗔則足羞同卞和泣不謁豪貴門不交
市井兒閉門十日卧秋雨遑遑要路誰相知君不見馬
周昔年困羈旅斗酒新豐恒自許一朝邂逅遇常何從
此蜚聲動明主男兒蠖屈終當伸未必棲棲長賤貧風
雲感會應有日我輩豈是蓬蒿人

廢苑垂楊

傍樓依檻拂烟輕
春色年年占早榮
今日路傍人不管
數聲腸斷舊時鶯

二喬觀書

繡閣深沉日正長
一編相對倚匡牀
君家夫婿皆英傑
銅爵春風枉斷腸

調馬圖

四蹄如鐵動生風
百戰曾看汗血紅
應是沙場新進入
曉來騎過玉樓東

挽日東僧覺曇

頻年辭海國終歲住
京華烟水來時路
雲山到處家塔

藏新舍利塵暗簷架
淒寂寂設經處松林掩暮霞
白蓮
移根從太華擢秀向瑤池
越女羅裙濕湘妃玉珮垂涼
蟾留素彩清露澹華滋
寂寞東林社相看重所思

贈邊將

驄馬鐵連錢威名久在邊
合圍屯古磧逐北下長川
甲重秋霜肅弓開夜月員
傳聞羽書急燈下照龍泉

送王善甫之金臺

故人千里去惜別更停舟
紅葉城邊路青山江上秋
關河勞客夢風雪蔽貂裘
上國多朋舊因君念昔遊

梅月軒

冰輪輾空流素光南枝逗暖回春芳素娥撫掌姑射笑
清影窺簾鏡鸞小桂根老兔搗元霜翠禽啼夢春茫茫
軒中媿人睡初起坐挹寒香幽思長

周朗雙駿圖

古來畫馬誰第一唐家獨數曹將軍將軍一去不可作
世上畫史徒紛紛雄姿逸態久寂寞駑駘眼底成粗惡
殿臣周朗擅時名筆意由來更超卓風髻霧鬢皆神奇
房星墮地流清輝渥洼水煖風雷合沙苑秋高首蒼肥
人間神駿那可識漫把千金買奇骨王良伯樂不世逢

撫卷令人增歎息

雨中寄蘇一平

新水微生綠輕風不作寒
落花春雨細愁坐憶蘇端

蘭

九畹春風暖三湘暮雨深
孤芳誰見賞千古托瑤琴

水仙

楚楚珍珠珮盈盈白玉璫
雪晴江路遠羅襪晚生香

墨葵

密葉護繁英花開夏已深
莫言顏色異還是向陽心

芙蓉

清露下江臯江光淨如洗中有弄珠人盈盈隔秋水

鴛鴦

五色繡為衣翩翩日共飛柳塘常並宿花淑每相依戩
翼逢寒雨翻波弄夕暉韓憑今寂寞腸斷玉人機

挽燈徹明上人

丈室自蕭然寒窗一榻懸已忘身外慮久悟病中禪塵
暗松枝拂香殘貝葉編惟餘孤塔在春草綠芊芊

送伊允明還鳳陽其姪求賦

殷勤竹林會惜別重含情聽雁驚鄉夢還家問客程遠
山淮甸路孤棹石頭城後夜遙相憶天涯共月明

溪山遠意石屏

川嶽孕靈秀山水開清妍
轟轟天際峯冷冷石上泉
踈林集浮靄遠浦橫輕烟
晴窗靜相對詩思入幽元

經韓信故城

烏盡弓藏恨不平
蕭蕭荒壘暮烟橫
英雄盡逐東流去
只有青山繞故城

過歌風臺

燕罷鴻門逐鹿歸
太平功業一戎衣
高臺寂寞臨清泗
蔓草寒烟幾夕暉

夜泊呂梁

古木蒼蒼暝色昏石梁懸水訝雷奔鳳城此去遙千里
客夢何由到故園

寄南山隱者

幽居寂寞對南山生事蕭條獨掩關萬古共知吾道直
幾生能得此身閑霜寒嶺上松逾碧秋老籬邊菊漸斑
詩社舊交零落盡採芝誰復和商顏

八月十日曉發揚子江

西風艤棹發神州千里金臺是壯遊兩岸好山皆北向
一江歸浪正東流蒹葭浙瀝沙汀晚雁鶩繽紛野渡秋
回首鍾陵看漸遠五雲猶繞鳳城樓

月波亭為沐公子賦

公子開軒處清池漾碧流纖雲初卷夕明月正懸秋澗
漾金波溢微茫玉兔浮荷香來几席花影上簾鉤宿鷺
依朱檻遊魚避彩舟詞人常共醉貴客每相留酒泛黃
金尊茶傾碧玉甌袁宏懷北渚庾亮在南樓賦就情偏
洽心閒境自幽仙源知不遠何必問瀛洲

三月一日觀駕幸太學

玉輅雙懸翠鳳旗六龍扶日轉逶迤螭頭不動爐烟細
雉尾纔分扇影隨禮樂幸逢全備日衣冠共仰聖朝時
深慙草澤為儒者亦得從容覩盛儀

寄金臺諸友

春風悵別金臺路回首江鄉思有餘
五柳漫尋高士宅萬金長憶故人書
玉河流水通瀛海瓊島晴雲擁帝居
詩酒自憐成契濶幾回凝望獨躊躇

贈王善甫

半生泉石寄高蹤肯向明時嘆不逢
為客曾嘗燕市酒還家又聽蔣陵鐘
鹽車我獨憐竒駿草澤誰能識卧龍
欲問幽居何處是一灣流水數株松

畫馬

百戰猶存汗血斑曾隨驃騎度天山
應知不受鹽車辱

駿骨終歸十二閑

滄洲道中

淼淼滄洲接海涯
葦籬茅屋半漁家
東風三月春將盡
纔見天桃一兩花

夜泊武清縣

葭芟蒼蒼萬里秋
天涯風雨一孤舟
兩京兄弟遙相憶
卧聽寒更出縣樓

王本初竹為賀師勉賦

湘雲晚涼秋似洗
翡翠凝烟飛不起
王郎手把金剪刀
剪得湘江半江水
重華一去波迢迢
娥魂欲斷愁難招

千年淚點恨不減
半夜月明聞玉簫
錢唐才子詞華客
日日晴窗對寒碧
何當截取釣鰲竿
直上銀河訪秋色

送胡廉秀才赴名

酌君金陵酒送君江上舟
酒杯易盡情不盡
舟行一去誰能留
金臺迢迢五雲裏
龍樓鳳閣連雲起
大鵬搏風奮九霄
一息應須論萬里
今天子聖四海歌虞唐
好將五色線為補舜衣裳
自慚羽翼短未得同翱翔
相思雲路空茫茫

湘靈鼓瑟

九嶷回首碧嶺岿
獨抱哀絃不忍彈
楚澤雲深仙夢遠

湘江月冷珮聲寒情隨流水秋無際怨入脩篁淚不乾
千古遺音今寂寞芷香蘋白恨漫漫

重九綠珠墜樓

殺身應念主恩深一墮危樓萬古心苔徑花鈿傷寂寞
繡幃春夢恨銷沈香魂漫自隨流水哀怨空能泣斷琴
惟有春風滿金谷年年芳草翳牆陰

昭君琵琶

遠隨戎騎度燕然回首春風隔漢天徒有衷情留別調
誰將清怨寄哀絃歸心漫逐飛鴻遠玉貌空驚畫史傳
一曲鳳槽零落盡塚頭芳草自年年

文君當壚

春暗臨邛柳着烟檀槽新釀瀉香泉青絲銀笕爭相問
短布荆釵只自憐滿榻炊煙踈雨後半窗帘影夕陽前
多情最是文園客一曲孤皇思黯然

鶯鶯待月

月滿西廂夜未央不堪花露欲沾裳空將密意傳鸚鵡
漫托鳴琴引鳳皇孤枕偏能知客况重門無奈鎖愁腸
靈犀一點難收拾又逐遊蜂過粉墻

盼盼守孀

燕子樓頭日未斜不堪歸夢繞天涯東風遠道空芳草

細雨聞庭自落花
鴛枕淚殘頻積恨
鸞簫聲斷獨堪嗟
別來忍對粧臺鏡
肯信流年鬢易華

梅竹圖

的歷珠光冷
參差翠影寒
孤山春寂寂
湘浦路漫漫
夜月來青鳥
秋風下彩鸞
分明圖畫裏
玉樹並琅玕

甯將軍射雁圖

鼓角動悲酸
將軍獵未還
弦聲雲外落
雁影馬前看
迢遞行應斷
低摧羽半殘

送平夷劉千戶

謁選赴明光
承恩返故鄉
雕弓白羽箭
駿馬紫絲韉
塞

上秋風早雲邊驛路長平夸重到日梅蕊正含香

晚泊桃園

古驛臨淮次孤舟傍柳陰縣樓宵鼓歇茅屋夜燈深客
夢驚殘笛離愁慘暮砧壯遊嗟老大感慨一長吟
辛未歲食楊梅有感

翠輦龍沙去路長孤臣北望一沾裳江南又報楊梅熟
玉食何由到上方

薦福山八咏為恥庵金侍郎作

白雲塢侍郎先塋所在

白雲何悠悠松楸長在望孝子念親慈憑高重惆悵

支遯庵在飛泉塢側

高僧去已久此地存遺跡空餘石上泉長年洒蘿薜

許詢宅

仙翁何處去舊宅闕空山惟有林間鶴朝朝自往還

踞湖亭

支遯韝鷹之處

名山當巨浸傑構俯平湖欲問韝鷹處支郎今在無

五塢溪

杳杳通深壑茫茫接遠津扁舟來往客思是武陵人

錢王堤 錢王葬處

芳堤何迢遙野色迷深樹華表今尚存知是前王墓

太平村

漁汀瞰沙濱樵徑緣溪曲
秋風黍離離雞豚滿平陸

東跨塘

迢迢連遠道隱隱跨清波
為羨題橋者終乘駟馬過

石銳貨郎圖

憶昔汴京全盛日天下車書稱混一
卉裳椎結盡歸朝南珍北貨俱來集
百工衆技逞精良鮮果竒花亦異常
太平民物多豐庶一段風流屬貨郎
六街過處爭瞞目擾擾兒童競馳逐
千金難買担頭春豈比尋常誇市鬻
百年盛事總成塵畫史傳來筆有神
石郎妙得丹青理

意匠經營更出倫，毫端纖悉惟絕品。彷彿承平舊時景，
繁華一去不復還。對此徒勞成引領，祇今聖治返淳風。
女織男耕處處同，由來侈靡堪為戒。撫卷令人思不窮。

望亭爲石谿學士賦

勝地擬蓬瀛，虛亭挹高爽。竹樹羅後先，塵踪斷來往。遙
峯凝翠華，幽禽遞清響。登臨釋煩抱，縱覽契元想。遙遙
望關心，瞻對勤俯仰。於焉托寄傲，誰謂耽幽賞。彼媿玉
堂仙，聲華徧天壤。願施贊佐功，生民企休養。

將歸金陵留別在京諸友

相會情方洽，相違意更深。往來千里道，去止兩鄉心。詩

酒懷高誼雲山憶故林無窮離別恨都作知長吟

經龍潭故居

不到故園久寧辭歸路遙山光自今昔人物嘆蕭條古
鎮東西市長江旦暮潮何當尋舊業來此伴漁樵

送賀寅

千里訪重幃那堪又獨歸關河勞往復朋舊惜睽違江
柳和烟折春帆帶雨飛嚴翁相待久應識老萊衣

慎齋集卷之三

慎齋集卷之四

十二月樂詞次張志確韻

正月

暗黃入柳金縷長老梅逗煖含幽芳椒花獻頌紅燭光
粉香新頷堆嫩黃胭脂色瑩金壺酒翠袖殷勤祝君壽
宮漏滴殘水初減日影瞳矐上朱檻

二月

淑氣轉芳郊花枝拂簾春正嬌美人笑整雙翠翹錦筵
紅燭照長宵篆香裊裊香未銷霞裾煖煖輕欲飄青樓
繡箔迷紅橋草茵茸茸漸堪坐門外小桃紅欲破

三月

晴漪漾綠連芳谿
嬌鶯向人時一啼
青皇整駕欲歸去
江南遊子空千慮
東風悠悠卷飛絮
回首春光又何處
惜花對花成久立
流年駸駸如過驛
蘭亭金谷今在無
芳草萋迷翳行迹

四月

千林濃綠生涼影
深院晝長清漏永
薄雲透煖弄斜暉
飄紅點空如雨飛
美人罷妝無限情
沓颯起舞羅衣輕
當軒對酒理瑤箏

五月

槐烟樹陰密榴日苑花明蘭棹江頭客幽懷羨獨清宮
壺屑玉蒲野服裁香葛不見採蓮人紅芳嘆搖落

六月

暑雨收晚螢集湘竹踈踈暮烟濕南薰一曲奏絲桐大
音千古回淳風何當獻入明光宮

七月

碧簾涼初透銀潢露未銷迢迢隔秋水盈盈望斗杓缺
月光猶淺纖雲影欲飄相見情何洽相違意更饒池蓮
嘆衰歇誰泛木蘭橈

八月

桐陰飄玉井蓮粉褪銀塘寶匳晨啟月羅衣夕換香流
螢度書幔哀蛩語畫堂坐待銀河沒清露欲沾裳

九月

秋波涵空秋氣清遙峰擁屏天際橫角聲吹寒日將暮
幾處孤燈隔深戍羅衣驚秋感秋意杜紅蘅碧勞吟思
美人不來仙路長月窗風簾生微涼

十月

金鳧玉篆燒銀葉霜冷城頭角聲咽蛾眉空驚鏡中老
幽蘭泣露梅爭笑百年轉首漸成翁白日西逝江流東
莫辭斗酒醉新豐

十一月

同雲釀寒寒更濃
枯桑獵獵號悲風
老梅傲歲不知冷
冷艷窺春催暮景
灞橋有人幽興發
醉擁吟肩踏寒雪

十二月

薄霜凝桂生朝冷
眈眈啼烏鬧金井
梅花一樹玉參差
日脚暉暉射簾影

閏月

候已週時再亨
土牛迎新勸早耕
羲和迓轡歲功成
四時冉冉迭相更
堯蓂換英律重啓
萬歲千秋歌

聖帝

夜過南旺

迢遞鄉心遠，逶迤客路賒。
櫓聲催急浪，雁影帶平沙。
短棹聞漁榜，孤燈認酒家。
驛樓知不遠，烟柳夜啼鴉。

賦得龍河新柳送周主事之京

龍河迢遞繞神州，兩岸垂楊映碧流。
嫩色微含朝雨潤，輕陰猶帶晚烟浮。
未看落絮沾行旆，自有柔條拂去舟。
欲折一枝相贈遠，不堪離思正悠悠。

寄朱德潤州守時養疾龍潭

戶外遙山隔市塵，幽居蕭爽近通津。
論交自喜多佳士，問疾常來有故人。
沙邊晚色明紅樹，江上秋波帶白蘋。

紫蠟肥時鱸正美好將尊酒會比隣
命書要吐陳說

題扇

十年踪跡寄雲林茅屋斜連薜荔陰
門外一舟閒不渡

就中誰識濟川心
益社故多也林入於此去天越山日

送友人遊姑蘇

君去東吳更向東古臺香徑訪遺踪
孤舟何處偏相憶

月落楓橋夜半鐘

送王四公子之咸陽

日上高城生曙輝離歌一曲思依依
人辭白下歲將晚

馬度秦川雪正飛雄關共識山河壯
遠道誰憐故舊稀

覽勝定應多雅制錦囊隨處架珠璣

夜坐有懷王四公子時客揚州

悵望淮南客路遙酒醒無奈別魂銷不知此夜誰同醉

還在揚州第幾橋

賦得鳳凰臺送別

鳳凰臺臺前山色高崔嵬西風吹樹碧梧老鳳皇一去

何時回臺邊迢迢送行路多少行人從此去天涯他日

重相思還記臺邊送行處

烈女行女既許嫁而夫死誓不再適以自經

妾身已許君誓作君家婦誰知妾薄命棄妾如朝露妾

身猶未拜姑嫜妾心已許那敢忘古來烈女無再適妾
身雖存竟何益泉臺有路願相從一片貞心皎如日烏
乎王風日以降誰能重網常生爲鴛與鴦死爲參與商
恩情反復有如此視此須知應媿死

挽樊知州

虎榜當年羨老成一麾又見沐恩榮四知自信無慚德
五袴曾聞有頌聲華表月明歸鶴怨青山雲冷野猿驚
他年太史書循吏未許劉寬獨擅名

挽孫以升

瑤圃霜寒玉樹摧故人回首隔泉臺天涯此日騎鯨去

海上何年化鶴來，夜雨閒庭芳草徧。
春風新隴野花開，九龍山下昆陵道。
掛劍空令過客哀。

挽吳布政福

四明人 葬姑蘇

曾啣天語渡滄溟，歷仕中朝久著聲。
閩省承宣推善政，吳山歸老遂閑情。
異鄉松柏藏新隴，故國烟霞負舊盟。
贏得穹碑傳太史，文光長照闔閭城。

送戴吏部廷美謁選之京

一官卽署有餘清，早見才名動兩京。
自古文章推館閣，祇今人物重銓衡。
潮生江浦風帆遠，柳暗河亭驛路平。
此去政成應考最，還從霄漢沐恩榮。

寄吳中杜用嘉次金粟公子韻

相違何地更相親
回首江鄉入夢頻
詩酒總輸能賦客
鶯花偏笑倦遊人
垂楊裊裊津亭晚
芳草萋萋野渡春
自媿青雲猶未達
敬貂誰問舊蘇秦

送盛僕還吳

兄弟相將上帝畿
同來今喜復同歸
天涯芳草鄉心遠
江上青山客路微
悵別幾年勞夢想
相逢今日又分違
一杯莫惜臨歧醉
忍見征帆帶雨飛

金臺會從兄玉德

迢遞金臺郡
風沙路幾千
我來方兩月
君住又三年
旅

情齋集卷四
四一三
郎誰相問他鄉祇自憐故園桑梓在應好問歸田

贈沈成章

成章甲申進士旌德令謫戍北平

塞間罷從征移家近玉京棘圍曾效雋花縣舊馳名酒
熟情偏洽詩成句獨清衡門誰枉駕問字有諸生

擬古二首

萋萋原上草漫漫披長坂春陽變新綠遊子久未返歲
月倏已逾何由諧嫵婉睠此川途長空驚歲年晚

嚴霜厲庭柯綠葉日夜黃故人隔吳會一別今十霜山
川限脩阻欲濟河無梁河梁或有時會晤安可期還將
萬里書遠托南鴈飛雁飛歸有日萬里長相憶

寶光寺

寶殿俯遙岑迢迢一徑深
佛香通小院僧梵隔幽林
自適閒中趣應同物外心
禁城歸路晚烟樹正沉沉

挽錢原博母

寂寞掩空幃叢萱夕露萎
熊丸曾有教鶴馭竟難追
舊服存遺線寒機泣斷絲
承家羨雙壁文采重當時

三月廿五日過城南有懷善甫

青川紅樹映溪橋一棹西
風客路遙今日重經送君處
綠波春草思迢迢

秋夜雨中有懷蘓一

慎齋集卷四
四十四
江鄉離別奈愁何
愁裏偏驚歲易過
一夜懷人眠不得
芭蕉窗外雨聲多

湘江雨意為戴文進賦
九疑雲氣接蒼梧
翠羽參差影半疎
何人為賦竹枝曲
夜雨小窗聞鷓鴣
黃陵祠前湘水深
黃陵祠畔竹蕭森
鞞鞞叫斷暮雲濕
風雨時聞龍夜吟

送指揮彭伯暉遊吳
胸蟠錦繡氣如雲
腰下龍泉祭斗文
歷徧江南山水窟
有人應識舊將軍

靜齋為吳宗起賦

門巷深沈寂不譁藏書渾訝鄴侯家春風草色疎簾靜
暮雨苔痕小徑斜盡日不聞啼過鳥有時還對落來花
青編坐閱無餘事未許紅塵到碧紗

送許脩謨福建較藝還京

玉壺寒露有餘清翰苑詞華重老成三殿風雲霑帝渥
七閩人物仰文衡天連齊魯鄉山近馬度青徐驛路平
聖主只今思治切應將長策佐昇平

周學士下訪

閑門寂寂掩蒼苔忽訝傳呼學士來走卒盡知司馬姓

詞人今數謫仙才廟堂輔弼資謀畧館閣文章屬品裁
自愧布衣叨枉顧不辭相與醉深杯

同張守謙過收謙揮使墓

兩花臺畔樹叢叢訪舊重來思不窮荒草况逢秋雨後
殘碑空對夕陽中青山高壘嗟埋玉塵世浮踪感斷蓬
千里故人情獨厚一杯相與酌西風

挽金趾庵侍郎

蕭洒襟懷自不凡滿頭白髮映華簪儀曹新接尚書履
館職猶兼學士銜常羨高名推舊學忍看歸櫬逐征帆
闔閭城外佳城在應有文光射斗南

挽涼州王將軍

慕恩威共羨才名世所稀
畫策曾為邊帥重
投閒先向玉關歸
石麟高塚藏金劍
寶匣清霜冷鐵衣
一曲悲歌何處寫
涼山烟樹幾斜暉

紫凰引

余友沈崆峒於蘇臺得紫竹簫名曰紫凰自為之引海昌蘇平從而和之皆極其形容余亦為賦此

柯亭月冷秋茫茫
斬根錯節含宮商
昆山玉碎啼紫皇
崆峒山人幽思長
潛魚驚跳瘦蛟舞
仙珮凌烟度湘浦

孤鶴不眠猿夜愁十二巫山隔雲雨
倥倥倥倥無自矜何當攜取獻虞廷
獻虞廷叶九成鳳來儀天下平

觀張外史自書奔月卮歌有感而作

神珠吐輝耀蛟室甍社秋波傲空碧
誰將鐵網鈎致之江神水仙惜不得
滌沙磨垢光陸離流霞蕩漾生微漪
碧筒桃核敢稱美鸚鵡鷓鴣空爾為
青蓮一去不復還雄才今數華陽仙
詩工畫妙兩竒絕流落人間知幾年
高堂素壁風騷屑滿把珠璣照林樾
遥遥鶴馭不可攀十二瓊臺倚秋月

送御史張承翰貶柳州驛丞

黷宮新脫迹憲府早馳名未展胸中策俄為嶺外行官
早安職守地僻少逢迎去去無惆悵終看召賈生

哭禮齋揮使

平生懷壯畧孤憤孰相知未遂封侯志俄成賦鵬悲空
梁窺落月素幕卷涼颼門下應多士思君獨有誰

無題二首

繡幙重重懶上鈎金爐火煖篆烟浮天風吹醒遊仙夢
人在蓬萊第一州

枕屏斜倚鎮帷屏夢覺紗窗月向低銀箭滴殘花外漏
有人騎馬聽朝鷄

柳塘樓燕為廷美賦

章臺春暖綠紛紛
綰霧和烟映水村
莫笑卑棲思遠舉
也勝尋壘傍人門

送徐以道還金臺

二十餘年別帝畿
重來應嘆故人稀
江城柳色迎征旆
驛路梅花照客衣
尊酒幸逢千里合
關河又送一帆歸
金臺到日應相憶
吟倚層樓對夕暉

送周尚父

燕臺昔日憐分手
白下今朝喜盍簪
聚散却嗟同泛梗
笑設何惜共論心
秦淮雪後波澄練
潞渚春回柳颺金

一段離懷何處切蓬萊北望五雲深

挽孫子良叅議

南荒謫宦久棲遲薇省旬宣屬有爲白首難忘
明主德青雲深荷故人知陶潛曠達非耽酒杜甫間關
不廢詩惆悵吳山埋玉處斷猿荒樹豈勝悲

送王致文僉事之四川提督學校

十載賢關著令譽繡衣今喜領新除曉過棧道雲隨馬
夜度岷山月照車 聖主只今崇教育諸生從此藉吹
噓文翁遺化知猶在佇見經綸起大儒

送徐七公子

多君富韜畧自是將門英報國心常切憂時恨不平
看花春躍馬剪燭夜設兵去去膺高擢終當事請纓

過周都憲舊宅

閑門半掩日西斜榮辱升沉事可嗟
花石滿庭渾似舊不知春色屬誰家

吊郭錦衣墓

英雄回首事堪嗟斷壠荒邱一徑斜
春色不關泉下客晚風吹盡野棠花

蘇堤春曉題徐七公子行卷

溶溶新水接遙天堤外青山映畫船
鐘韻敲殘江寺月

鶯聲啼破柳橋烟
詞翻舌調憐歌袖
詩寫幽情寄別筵
回首舊遊成遠夢
一尊誰與酌蘇仙

送徐侍講元玉代祀武當

遠持使節過江臯
舊德應知扁望勞
詞苑昔嘗陪顧問
靈山今喜快遊遨
中天觀闕依星斗
上界風雷擁節旄
願祝蕃禧歸聖主
漢庭寧獨羨王褒

送人還蜀

鳥道連雲驛路長
龍門西望水莊莊
武侯祠在多秋草
白帝城荒幾夕陽
上國故人成遠別
楚江涼月照歸裝
一尊暫醉金陵酒
肯信并州是異鄉

送羅舍之關外省其父都憲公回番禺

嚴翁塞北振霜威公子趨庭願不違去國寧辭征路遠
出關誰謂故人稀雲連朔漠千峯斷月冷邊城一雁飛
萬里歸來多喜色應知不負老萊衣

寄朱德潤州守

每懷朱太守襟抱更誰如明月尊中酒清風竹下居放
情常覓句多病廢看書見說荆門士朝朝望使車

聚奎堂八詠

四首石侯涵潤

重崖產竒璞珍貢自岷方磨礪藉良匠置彼君子堂紫

霧溢餘滋元雲黯晶光一蒙萬戶封千古昭文房

松使凝香

松膏搥餘燼麝煤散竒芬百年固如石萬古留遺熏
熒燦星斗靄靄騰烟雲貯之古豹囊允矣宣人文

穎士利鋒

束穎逞銘利截玉誇健輕文場試鏖戰簌簌風雨驚
奸邪仗誅殺忠良藉褒榮誰云毛錐子不及劍與兵

楮生展素

蛟潭搗秋練高名重溪藤紛紛雲霧披皎皎冰雪凝
金花豈足貴玉葉當並稱誰能賦三都從此價倍增

絲桐奏響

嶧陽有竒才大雅異哇淫泠泠七絃上靜聽松風吟鳴
鳳集阿閣哀猿啖幽林鍾期不可作悠然感余心

楸局藏機

決勝誇國手爭先運竒謀方員企合變動靜窮冥搜得
雋探虎穴通和割鴻溝賭墅重宏量斯人孰能儔

今古遺編

聖賢去已久遺訓極尊嚴多君富竒蓄一一懸牙籤芸
香散書几縹帙映黃籬誰能繼先躅義理在沉潛

丹青妙製

江山千萬里只尺開鴻濛造化富神奇乃在經營中芳
林帶平野遠水涵晴空高堂肅瞻對妙趣應難窮

鄭太常澄心亭

清池一勺俯泓深池上幽亭帶遠林柱笏山先生薄暝
捲簾空翠隨輕陰蕭閑自足忘塵慮靜止應能契道心
想見泰壇趨事退幾回來此寄登臨

魏冢宰藏春處

素楮生輝獸炭紅盎然生意藹冲融神遊玉府瓊林內
人在光風霽月中竹葉釀來情自逸梅花開處煖潛通
吹噓不待鄒陽律共識經綸叶化工

次韻答羊城陳侍郎見寄 時致仕家居

一日不見如三秋
渴心常仰韓荆州
清尊每憶共設笑
佳句無由重唱酬
才華久羨廊廟具
風骨自是神仙儔
傳聞解印歸來後
束帶何曾見督郵

黃芍藥

縞袂染輕黃
檀心噴異香
風流誰得似
應合侍花王

紫芍藥

妖艷奪朱濃
翻階濕露濃
魏家今寂寞
愁絕若爲容

慎齋集卷之四